



檜亭橐

天台丁復仲容甫

近詩 五言長律

金陵奉餞趙公子去疾理問侍平章魯公世延入

蜀歸秦次韻龍翔太中二十韻 前集

平章向三峽公子奉雙親祖帳聯裾盛官船發擢新屋
墩誰較謝宮井自餘陳劍閣當西極刀州遠北辰魯公
加上爵趙氏游名臣死節褒賢嗣生榮溢老身朝廷懷
蹇、韋布佩諄、及 違後其 接見頻渚風聞鷓

尾江日湧龍鱗夾岸觀如堵中流望若神埋金陵樹遠
濯錦水花勻前燼仍踰隴先墳宛在秦布颿知到日繡
斧拜新春亦有羅貌虎無非聚鳳麟川將天作限山入
海為濱從騎遙思安車緩度輪晨調珍翠釜夕侍安文
茵雛弄娛依坐鷄鳴服伺隣所期長壽考莫或嘉後賓
倘有星迴使唯應日問人

棧

次夏允中禁體雪詩六十韻

續集

衾夜生孤擁棲更死屢搗墨雲常黯黯絲雨先鬢鬢半
醒身何所全迷意固涯露眼當莽蒼風泊在薰葭起

平行地訛聽亂撒沙群慙搖始覺衆怪語 慢卷爭
成片裳沾祇見些尺深良可待寸測即頻 熾炭肌還
木張燈眼暈花瀾明知月淡學舞逐風斜在螭時能應
祈年歲必嘉競投窻內隙密糝砌旁窪尾亞攢鎗竹肪
分破刃爪恍疑行朔漠只訝失胡笳勝有開嬰貯渾無
樹屏遮廊飄黏畫翠庖炊泣炊輟靜凝擔頭髓清垂瓦
口牙迴溝填小曲側巷積微衰夕氣干牛斗鄴城瘞鏌
鄒暖融團腐草晴綴嵌空槎易化行人路偏多隱者家
池心堅暮日山脊晃晨霞馬齒沈虛履羊腸阻峻車荒

藜喧雀垂蔓抱僵蛇縮頸牛如蝟拳毛馬盡駟自須
潔淨誰敢訾疵瑕公子添重錦夫人儼副珈聚
鴈作隊野也鴉鬢縷搔驚似髻珠貫暫呀淵宮裁斷織
閨服帽初整晉女吟稱謝唐人賦憶义大田將有穀沃
壤早宜麻久睨隈墻色寧論在土茅舞娥臨月桂才士
縱天葩朽歷傷顏架長支惜偃芭梅封新蓓蕾薪爨濕
杙枒京洛多豪富長安有狹邪掃開交擁篲戲聚互推
爬帶汨張魚笥凌晨沒兔置卧來窮就捉跳出摸從杙
糝食何煎迫萍蓋漫吐嗟跣趨哀蹶躡志肆咲矜夸數

戰肩踰竦頻呵指更接唇呼吟蟋蟀足跌伏蝦蟆懶出
從嘲鼈甘貧任處蝸市春窮也采隣酷薄猶賒

墨貳守何能尔明公特異我蜚聲驚大府報最達崇臺
政洽邦千里心清水一杯威名動草木頌語出 儒

術行中道文光炳上台菁莪思樂育微粟可遲經飛檄
如星急連檣駕浪來輪囷登庠庠精潔粲珠臺炊爨迷
深竹樞趨失故苔馨香通肸蠁勲業此胚胎統宇宏無
際顛崖政可哀箕疇先食貨商鼎賴益梅峻陞高班入
彤庭 紫詔裁咨詢周遠通答問徹 盛德乾坤報
危言山嶽摧田疇無失業府庫孰非財變理陰陽事消
沈水旱菑虞謨恒贊：漢網願恢：澤沛弘羊雨霾空
野為疾常令見白日終老北山隈

檜亭稟

天台丁復仲容甫

近詩 五言

送秦元之赴太禧同僉

前集

君家好兄弟聖主自知之周爵推秦仲虞官舉伯夷萬
方天浩蕩五彩鳳威蕤宣室虛前席蒼生屬論思

金陵送人還武昌

相送白鷺洲因思黃鶴樓遙觀禹王蹟重起穉生愁西
上不可得東關曾獨留江吞趙佗石歲月但空流

題程先生西行集後 程年七十餘歸蜀改葬父母

峽束水如箭巴行船上天亂離橐後衰老秭歸地名邊

手把西行集心追北上年東風故山淚落日灑江烟有感

登高

遠近不可數淡濃渾自成人烟諸崦隔鳥道半空橫日

夕黃微映江寒碧倒生憑高共臨眺憶得在宣城

次韻宋太守董烈避居湯水寺作贈其孫灝

江上休為罷淮邊入戰場 來悲社短避去恐謀 夾

道松行直臨池辭甃方蕭然忘執熱宴坐有清涼

松髮淨於沐石牙寒作稜放行憂世者請浴丁廊僧落
日誰能繫浮雲不可憑佛前應隨淚不滅有長燈

送李御史

南臺鐵冠舊西府繡衣新史部冰霜曉皇家雨露春三
苗蠻作俗八桂嶺為鄰虞帝猶遺廟慙慙薦渚蘋

萬玉亭

修竹萬玉立虛亭六月寒靈風聽不足長日坐來殘葉
色深宜 鞭芽潔可盤故令憐老客轉欲厭時官

送楊友直赴刑部主事

少昊煩司幕先生自此升九重趨玉陛一騎發金陵邊
靜龍堆月河清馬頰冰徒慙太平日江海老無能

送各經歷之淮西憲幙

淝水綠逶迤淝山青陸離江天清共遠沙鳥白相宜百
鍊精金在孤忠聖主知幕蓮非久地臺栢有高枝

送王御史赴浙省都事

白簡留烏府紅蓮映紫薇新春回柳色舊日避霜威海
分諸州列江區萬室依硯冰題曉暑辛苦解年饑

寄劉安道

號白雲萊

遯世託巢處白雲為故鄉自期終不出相憶竟難
壑秋情遠青精曉饌何當謝茲去長是坐君

送賈西伯

西風苜蓿花南客又移家此道寧無用吾生未有涯峰
青宜霧日潮白逆江沙猶憶南樓夜吹簫度歲華

輓許軍峰

號松雲

失訪雲松隱哀吟薤露歌前朝諸老盡浮世百年過山
水高情足詩書遠澤多何曾入秦府城鑿自寒波

送張克讓

秋花白露芹鄉艷萬山雲官冷難為滿囊空政喜聞灘
船牽月上嶺路入閩分有客來書辟青霄記鴈羣

送王伯庸赴石埭校官

先生官已冷縣僻冷於官坐席嵐歸潤琴壇月過寒竒
峰花作朶幽瀨玉為湍所喜無迎送高吟寄碧瀾

賦孺子亭送心上人還洪

東漢久無國南州猶有亭虛楹過日白老樹入湖青歲
晚送僧去天寒行獨經搔頭雙檜側余髮故星星

春雪

江上亦春雪氣隨王化南平鋪方渾、細落更耗、柳
掉渾無定花開恐不堪簷牙縣宿溜直擬老夫簪

送李景初試吏淮陽便養

讀書初試吏捧檄且娛親當代推經濟何人獨隱淪河
兼淮海遠雪滿渚城春里舍多凋瘵周旋及撫循

送客

馬帳朋方集麟經講未殘幡然懷故里誰此障狂瀾黃
卷秋檠短青氈夜榻寒好將池草句題與惠連看

送蓋御史

士取登科貴官推御史賢已聞南紀正仍重北臺遷霜
勁孤鷹起天高萬象懸遙知夜前席清問極遐偏

對酒次韻

諸公句如綺獨我髮猶絲平生雲霄志等閒霜雪髭遲
日且云暮餘春能幾時還聽鳳凰語莫憶鷓鴣辭

郭生生子

歌愛誇頭玉憐應過掌珠河東真小鳳冀北定名駒英
物須啼看先生要醉扶老夫無重大折簡便堪呼

題山莊晚霽圖為楊元清賦

野居豈不好况是晚晴初草閣村々樹溪船箇々漁
松應宿鳥行李尚騎驢老託西園灌鄉愁賴酒除

次韻曉發

天末半殘兔水村千屋鷄鷓聲將夢遠溪語近人低岸
口轉復出野心終不迷重衣起晨餉猶是象山西

送人省親

子仕親亦喜子歸親更懽江湖片帆遠風雨一瓊寒沙
鳥行秋渚江豚拜午湍莫看松桂色容易厭時官

送翟彥敬陞中臺察院書吏

名彥登烏府清門可雀羅辟書催北上行李及南訛天
闊涼雲積江明暑雨過東門群掾集更起續離歌

檜亭稟

天台丁復仲容父

近詩 五言絕句

題李息齋枯木竹石圖

霜柯洞庭寒露葉渭川冷幽人美清夜獨寫秋燈影

題牧牛圖

邈爾三尺童御此兩轂鯨春風笠底田前村燒痕綠

題宣和畫卷

澹意夫容外閑情翡翠邊波翻太液水分送向南船

與韓成之飲分韻得多字

壯髮颯衰素故山鬱嵯峨鄉書千里發客淚一時多

送單道明常州迎婦

單郎晉陵去絕似向秦臺後夜簫聲發雙騎綵鳳來

送僧還洪

颿聞建業水人上豫章臺許令蛟腥起滕王雨色來

飲酒

北闕諸公貴東門幾客還督來缸面酒携坐屋頭山

贈孟通

孟通朔方彥領薦過昇州花發瓊林苑題詩向上頭

題畫

青山多白雲佳樹雜芳植伊人不可招閑路日已夕

送吳景賢赴廣東二首

秋浦同為客金陵祇得君天風復戲我吹作嶺南雲
隱之千載後共喜遠孫來為酌廉泉水慙慙寄鳳臺

紅白千葉梅

作白歲已晚能紅春未深天地固異稟冰霜同苦心

黃蜀葵

憔悴宮人額離披道士身舉頭長見日草莽老為臣
桃花

春色總可惜最憐紅未開留花能解事郎去待歸來
題飛宿鴈圖二首

修程倦霄漢清夢熟江湖夜久水烟寂月明閉塞孤
江漢月中白冰霜天上寒扁舟夜深夢猶自上長安

賦山上松送常上人

松生在山上垂柯蔭其下人生苦別離念此歲寒者
題周濟川墨竹

東窓亦既白疎竹淡搖影新梢未成實夜高饑鳳醒

題黃晉卿寄用堂枯木竹圖

用堂嘗寄蘭與黃公公時喪母
太史悲諼樹幽人贈佩蘭故揮風木淚持答翠琅玕

檜亭橐

天台丁復仲容甫

近詩 七言長律

送楊文質侍父之西臺

御史乘驄西入關
郎君曉服擁攔
東風柳色寒猶淺
南國桃花春未殷
後騎送官過白下
前驅衛士負黃間
州城獬豸冠
度里社鷄豚衣繡還
問膳早朝河畔驛
舉鞭遙識陝中山
道途來往爭加額
父老歡迎各解顏
渭水東流連二漢
蜀都南去帶諸蠻
秦中兵饑仍凋瘵

劍外人風更阻艱勤讀古書探要
與論時政及餘閑
他年先從聽周魯迭拜螭頭最上班

送錙克輔之榆次縣尹

南臺執法仰前人天祿然藜見後身
從事衫明韶石曉
叅軍顛映曲江春克風自足敦殊俗
舜樂時聞感至神
瘴雨何能侵正士朶雲只著振疲民
食鹽增額終然去
畊野愁眉自此伸遺愛麗山猶姓越
歸看淮水未慙秦
松廳御史清霜曉榆次郎官列宿新
後日乘驄須北路
新年泛鷁始南津舞斑取水辭慈闈
衣繡還鄉照比鄰

撫字不妨催課拙平

即遺報書頻

官起吏多為酷

縣令於民實最親上國烏鳥行入覲
中牟童雉會應馴
故人揔喜飛騰上老客仍甘寂寞濱
臨別酌君浮蟻數
相思何處早鷄晨

送僧希道迎母之宣州

憲郎早是諸侯客宅相須與內氏家
徒舍昔聞曾俎豆
行臺今見重才華名門已道從張掖
遠足端知產渥洼
繡斧初來喜奉檄板輿迎去欲看花
深冰自躍供江鯉
常日仍思致海鮭禁鬻羹辭瑤面獸
貢餘湯獻錦文瓜

怡聲即有平反報按部寧令造次差豸角剡霜書載績
雀牙行路俗休譁固應反哺宜栖柏亦復承恩擬泛槎
會著瑤池親王賜宴玉桃三熟壽無涯

壽龍翔長老訢笑圖隱

玄雨高秋集九龍東天震旦主諸峰青蜺座踞黃金葉
紫鳳書啣白玉封賜到屢鳴官寺鼓名歸兼聽御樓鐘
雄文獨步專三氏大法全提正五宗筵擁方來無數衆
倉分鄰住有餘春詩留杜甫頻茶碗社許陶潛更酒鍾
涼夜熟眠貪夢蝶清朝枯思困吟蛩曇華世界慚吾晚

桂子天香喜氣濃住世幾何論小劫陳詩再拜謝疎慵
隨班作客應長席歸醉兒且小筇

檜亭橐

近詩 七言律

新寺和張仲舉兼次韻

前集

天台丁復仲容甫

天宮堦率下崔嵬結綺交流面，開地勢周圍龍虎國
鐘聲踈應鳳凰臺，鼎湖仙去秋遺劍，笠澤僧歸夜渡杯
千里巡街羣樂動，五雲深處御香來

天壽節龍翔寺習儀次韻銘上人

彤扉笳鼓羣公集，烏府冠裳百辟儀，金甲繞纏龍擁座

檜亭七言律詩

近

綵章掀舞鳳交旗
九天空闊蒼雲杳
四海升平白日遲
皓首南邦無變化
何由一息向天池

鴈門送楊仲弘姪士耕歸龍泉

伯也未入玉堂日
我亦忝薦金名三千里外嗟淪沒
二十年餘異死生
猶子初從鴈門見
故鄉能作龍泉行
腸斷東門別小阮
索詩相送若為情

趙君澤母一百七歲

南康校官致仕日
北堂夫人長壽身
一百歲後又七歲
千萬人中無幾人
王母蛾眉曾不老
諸孫鶴髮但重新

桐川之水東到海
上桃花樹、春

送陳子英縣尹之崇仁

江迴彭蠡天與碧
路入臨川山復蒼
令尹先為武進縣
絃歌况逢君子鄉
黃禽雙啼白日靜
綠草自動春風香
巾車數問虞夫子
未慙元亮在柴桑

越州景德寺鏡清方丈題醉先

宋僧名也岳麓圖

鏡清方丈見岳麓
堂虛只赤行江潭
樹木連雲崖影濕
棲臺隔日水氣酣
皇英雙騎龍上下
蒼梧九點天東南
道人得我千古意
復遣老夢登嶮巖

送唐長卿赴常州教授

三茅斷作湖嶼碧常州昇州猶比鄰山君化鶴去問客
水鳥啣魚來獻人釀酒未嫌官舍冷倉開長恐士家貧
絕嗟一概鳴琴地杏花閉門消却春

送美上人歸臨川

白雲不生華蓋峰青天淨倚碧夫容上船不計日多少
到寺更行山幾重木客試人騎出虎淵靈求法脫為龍
莫貪石室跏趺穩徧長松門薜荔封

送黃氏尚入京

自甘白髮投南老相送黃郎賦北遊十月肅霜清廣道
五雲佳日照高樓儒生合在賢能舉宰相方深吐握求
明日風颿如疾馬有時烟渚惜眠鷗

題觀海圖為張晉賢作

自古十洲三島勝幾時一釣六鰲連千年王母蟠桃實
五百童兒採藥船日出早看金柱湧天空只儼玉壺懸
乘槎欲接張公子直到牽牛織女邊

贈張晉賢侍夏真人慶吳大宗師七十

玉皇香案仙臣老金母瑤池鳥使來五色雲霞宮裏錦

九天沆 掌中杯朝廷禮教恩波洽海宇歡榮壽域開
張杲子孫商嶺皓此時相與醉蓬萊

題方壺子天台圖送曹士安省親還上清

仙人飈車竟獨往我家天台不得還六十江上老為客
半夜夢中無數山雲飛舍下兩白髮桃熟溪頭雙綠鬟
更煩爾祖方壺子寫我與君劉阮間

次韻銛上人龍河月夜謾興二首

臺殿穩依丹鳳闕江山或擬白龍堆潛藩地重雄南服
執法心星明近上台天際飛塵君便到日頭出處客僧

翻經夜月旃檀室滿座香風落葡萄開
秦淮水流落日西瑤塔不受翠烟迷絕鄰明月真堪摘
却是青天不可梯電掣海光龍出弄雪翻林影鶴驚栖
搏桑若木同根葉莫謂殊方動慘悽

送馮履道之西澗書院山長

洛陽年少吳公薦絳灌當時老不如流涕痛哭出長策
措世治安良有餘南臺御史書初下西澗先生席正虛
爾祖郎官白首歎諸孫卿相黑頭居

餞鍾南山茂才北上

南山蚤在十年見北闕金逢萬里遊紫府星辰迭差次
黃塵日月謾淹留天子八萬一千歲玉京五城十二樓
高臺黃金得駿馬錦衣白晝照閒鷗

送廉公子北歸

榮勛際盛皇元世賜姓為廉舊相家江上行逢瑤圃樹
天邊歸泛玉河槎黃封蠶水人酒白下春花處風
誰謂王孫尉離別踟躕芳草獨興嗟

次韻答惠長老

棄為狂士幸相容敢向明時嘆不逢明月近人閑傍水

白雲邀客更登峰百年耳厭咸陽犬千載神交劍浦龍
車馬滿街門映燭夢魂初熟蔣陵鍾

九月一日遊昭亭

在宣城

山色江光帶近郊道旁楊柳舞寒條半生九日黃花酒
多在西風白下橋千里客遊仍暮景異鄉人物又今朝
老來未遣登臨懶盡醉東家綠玉瓢

寄謝子木

秦贅誰徵夢年年漢官詹氏豈淹賢荒涼秋浦時酒
彷彿番江夜船湖海客身皆莫齒家山兒蕨已春拳

何時與和歸來賦白石

謝住家

黃沙

丁住家

未有田

送王治書赴刑部尚書

秋官高向霜臺選駙使遠從天府催周爵班行連九棘
晉公勲業在三槐曉凝曳履星光動春逐持囊日影回
自是咎繇先德讓四郊時報鳳凰來

次韻介之雙檜亭作

小圃新年偶然得靈禽清曉即同聽短髭故喜吾能白
老眼今憐汝為青周官或自譽卿月漾使何人客星
棲臺宰相曾無地貧賤諸生况有亭

寄題道吾山聞禪師竹院

道吾竹院夫容下老子藤床翡翠深過兩雷霆龍擁闥
滿天風露鶴當林此君靜對了不厭諸老清談亦許尋
他山祭酒聞還出何人載歌金玉音

楊隱君竹所

沙西處士萬修竹渭南封君千戶候滿院雨聲風入座
擁堦寒色日如秋江空每恐蛟龍化月出或看鳶鳳遊
帶經先生已賓客

其客兒原

開徑取友更羊求

五日書懷

五月五日客不樂三十三年人未歸搔頭白髮千莖短
出樹黃鸝一箇飛衰老祇應親綠醕故人不必問丹闈
也知開士情緣重但道慈親息消稀

送僧遊廬山

十八社人五老邊香爐紫烟誰為然山光水影江行日
風靜浪平船在天故里今逢霞外客孤蓬曾坐月中禪
清吟一為浣塵土宛對三梁看瀑泉

送宣子敬之蒼梧縣尹

重瞳天子巡遊地黑髮郎官出宰時魚美也能如鄂渚

鵬搏猶是息天池虞階干羽三苗國京洛笙簫二女祠
滿縣東風花處板輿雙奉但娛娛

送圓侍者還平江承天寺

承天寺裏圓侍者特地河邊別故人掛席風生海門樹
換船日出揚子津西山負郭連青朶南浦行歌採白蘋
好在玉堂柯博士老夫同髭髮如銀

贈齊生侍大父僉憲海南

為臨江浦折夫容更約郎君此地逢上水先經十二斗
過山真是百千重留錢網戶供朝膳挾策儒宮候曉鐘

驄馬繡衣繩祖武最看蚤歲遠相從

贈賢上人

賢公江上五年別先帝宮前八月逢石榻護禪神役虎
山堂聞法客為龍相携久坐聊班草自愛能癯已稱松
癡似廣陵張處士白頭也欲叩心宗

題獨峰圖次虞閣老韻為高禪師作

虛空樓閣開金布下界雲雷護寶藏萬仞側遮天半碧
五更先見日初光床敷峻極羣龍繞音樂交加百鳥翔
自是飛來五天竺靈根種之妙生香

送僧還徑山

天下徑山高在天兩到長憐弱冠年半嶺晴雲堆繭色
上方朝雨襍龍涎生來底用無清業老去如今已白顛
八十四翁安穩在阿師親證石頭禪

朱子誠遺安軒

鎰表未識豚犬爾龐公自知龍鳳雛總有英賢列朝署
豈無妻子老泥塗榜船出浦秋分稻灼火當窓夜辟纒
恰是霜甕新酒熟

兼得四

黃氏拂雲堂

臨川家為黃隱君穩竹繞堂青拂雲長竿每許分漁者
結實深期下鳳羣歲晚幽懷將雪對風來清語足秋聞
寥々千載吳夫子講道歸來遣贈文

送周良臣赴湖州知事

何顯青山碧茗上庾儉綠水紅蓮中風景與人殊自稱
公餘携客許誰同題詩醉歸帶夕鳥篆字小作蟠秋虹
他時自是冰雪掾致身未愧水晶宮

送公子帖穆入京

龍沙公子五雲思鶯語皇州二月時首當土融鞭節上

蓬萊春近佩聲移承恩賜坐黃金褥獻壽親擎白玉卮
馬上偶看鴻鴈過簫中吹與鳳凰知

曹文貞公輓辭

九天日月臨中土四面星辰領上台漢祖功臣高甲第
碣間佳氣久徘徊繡衣光彩東西道白簡威名內外臺
聖代儀刑勞夢想海雲清徹見蓬萊

送人入京兼簡危太

五月毒熱中人甚一雨生涼送客遊千載風雲逢聖代
九天日月麗神州飛龍夢熟松聲夜倚馬吟生劍氣秋

故人為報危微士老客年來轉白頭

送張筦勾遷內臺

東都早自去豺狼西去爭先覩鳳凰已報入闕迎紫氣
亦知詣闕覲清光周秦不謂散函固吳楚遙連江漢長
揚子津頭候驄馬老夫還足賦羔羊

宜達樓

天光徹夜看龍出海氣作秋如雨來水檻尋常羣客在
洞庭七十二峰開憑將日月迴雙轂攬取乾坤注一杯
况是神仙好居此珊珊飛佩下蓬萊

次韻用堂上人見懷

短日還如昨日流老年可似壯年遊小輿樵徑山、黑
落木人家處、秋夜黑丹光如月出天清溪响帶霜幽
題詩乃復勞人憶置酒多因好客留

送岳彥臯湖北省親

繡衣持節照青春綠服趨庭遡綠津門吏共迎鸚鵡近
邦人爭看鳳雛新瞻烏渚屋沈吟久駐馬郊扉下問頻
出入只教都不識每將民瘼細敷陳

送南臺掾史劉孟琛陪治書順昌朝賀

上帝南郊法駕親
憲臣北道傳車新
冰霜隨路閉河曉
雨露垂天海嶽春
千里渥注從驥子
九重閭闔候雞人
冕旒再拜三呼日
玉帛交橫萬國賓

送楊文舉赴江州省宣使

元年春及王正月
半夜天回使者星
五鳳文章能並世
伯魚詩禮久趨庭
雲邊宮闕時時到
馬上河山處處經
政德猶如太史令
玉堂鬱鬱舊擅青

寄王宗師

輪峰頭鶴下空
華陽洞口百花紅
長靈藥草無人識

上界蓬萊有露通
爛醉前年春作客
頻吟去日老成翁
丹砂不遣來城市
故著題詩寄葛洪

送僧遊廬山

廬山東南山水多
石梁顛倒掛銀河
仙燈夜半天人落
佛屋春深海客過
五老芙蓉還在陶
公楊柳定如何
布帆又起江湖興
應道西風動薜蘿

送宗壽卿赴閩憲書吏

白下東風三月春
山花隨路接南閩
倒生頗怪榕根異
甘美誰憐荔子新
蠻賈侏儻皆黑面
硃氓猖獗似黃巾

繡衣按部先咨訪定有愚生伏海濱

罷釣亭為境上人賦

罷釣亭池如缺環高僧忘世此中閑雨來停杼鮫人泣
雲出獻珠龍女還天子千頭游物外客星一點動人間
當時萬乘渾何事江上富春猶有山

草堂為程道士賦

春日清溪賦草堂北山當水正蒼々山人蕙帳來猿鶴
野老梧岡憶鳳凰千古有懷齊出處百年無命漫猖狂
第須送酒勞嚴武未怕移文自孔璋

送萬容長老歸故山

長記題詩送萬容喜看飛錫下諸峰笙吹緱嶺仍騎鶴
劍出豐城又化龍山氣含霜飄夕磬溪聲和月瀉寒春
何如官寺聽車馬空伴黃塵起斷鐘

用堂上人見過西園次韻張仲舉

儼宅何緣得近僧曉光金氣接觚稜詩成未必如千偈
老去還堪續一燈鹿苑即無聞上覺羊車自是最初乘
北山且作相隨去幾箇麒麟擁壞陵

送僧歸番禺

護龍客賦紫芝歌飯牛翁如白石何山頭挑熟不歸去
秋深葉落忽已多舟行夾岸轉青嶂風定滿湖皆白波
記得康郎洲下住月明如海看漁蓑

雲松隱者在梅山江上寄饒杜二君屬意老人輒
用元韻兼謝所寄蒼耳酒

老病無心擣鹿茸寄將蒼耳喜新濃清尊便酌當犧象
大藥俄驚會虎龍野客好懷多感，故人嘉意每重，
比來更愧諸侯禮醕饋循，擬辟雍
送由上人游金華兼簡信上人

金華東日掛清曉玉樹西風吹晚秋皇郎羊化青山石
帝子龍飛白下州二阮同居蕃佛寺雙溪獨坐 人舟
茶餘倘問園西檜翠色依然映白頭

送季潭北遊兼簡張仲舉二首

天上宮庭切玉繩霜前舟楫起金陵雲明鴻雁寒相逐
風穩 魚書不與丹 導前叅石佛黃襪從上賜江僧
關山南國將歸日河水東風已解冰

師尊已赴五天遠弟子寧辭萬里遙麟鳳效靈當盛世
夔龍讓德列清朝歐陽外友交潛子華下封人祝聖堯

好在玉堂張太史菲言應亦采葛莠

寄題金鷲泉石軒

金鷲泉石有深趣黃鶴仙人曾獨來崖雨溜雲青
瀉海天澄日碧蓮開山翁宴坐秋簾靜野客倦遊
棹迴幽徑依然生藥草他年從此入天台

題元章梅

元章姓王

三年不見王徵士一見梅花如見人風致山陰頻夢夜
雪晴江上又逢春毫端只作尋常寫意度真同造化神
聞道耶溪新宅想千樹作比隣買栽

送檜上人遊湖

檜公作別雙檜下竺士去遊三竺間東州西州夜歌發
南山北山春意閑五湖月色客蕩楫九里松聲人掩關
還向峰頭望天姥雲中古佛各開顏

送馮侍御調燕南廉使

繡衣高把使君節白晝寒生王母山三世為郎今特異
百司聞命自銷奸官兵護送黃河道父老遮留白下關
丹味御書仍北下紫薇執法更南還

送僧之臨江

白雲自愛青山好，青春秬添白髮新。
檜能老翠堪留客，柳却初黃遠送人。
清江流日下到海，閤皂挿天無與鄰。
葛洪丹熟還勾漏，可道年高鬢也銀。

送張可道御史調西臺

西南兩府重威名，江陝諸山慣送迎。
行部渭涇寧愧去，奸鄉里若無情。
最憐舊雪松能好，故作春寒未生。
為報同官楊伯起，檜旁門巷尚餘清。

送樊都事

南府翔烏重上賓，中臺幾豸動羣臣。
授經先啟重瞳早

布澤暉生萬物春，工部崇班依日近。
少陵佳句及時新，老夫釋甕西園灌。
夜々周星繞北辰。

次韻王雲翼登兩華臺

城郭江山祗舊時，野園村巷搃新詩。
衣冠昔日繁華地，錦繡春風婀娜枝。
忼慨莫誇周室黍，昇平方報漢房芝。
願聞聖主賢臣頌，最是王褒鬢未絲。

再用前韻呈雲翼

同生千載不逢時，自出一家頻見詩。
月殿斧寒金粟樹，河宮机爛錦花枝。
魏候每見段干木，杜老固知元紫芝。

欲引微詞常綴緝苦心抽盡不成絲

題森碧軒卷

鳳語雙調碧玉笙羽裳羣擁翠霓旌四時景物足蕭爽
六月晝寒如太清丁令回歸應發興項斯標格况知名
過門下馬豈無謂行酒賦詩殊有情

送王雲翼之西臺分韻得西字

古栢蕭森獨馬嘶故園迢遞早鶯啼九重湛露天方北
一箇文星夜向西繡斧任賢交荐鶚衣裳候寢問鳴鷄
鯉魚自出舍旁井鳳鳥已啣門上泥

陳先生輓辭

西子湖邊眼獨青西州城下淚雙零先生致仕能強健
太尉諸孫尚典刑江漢漢未歸仍暮景東南長望且晨
星真從處士徵霄竇久對郎君把墓銘

奉酬李謹之見懷韻時予客三茅

讀書不逢萬乘君垂老願依千鶴羣澗底客身知月去
雲中仙樂有時聞珠懸露樹明堪摘玉長霜田不耕
道士若知人世事咲憑殿檻說朱雲

送清涼寺友上人歸永嘉

江心舊作野客宿石頭今逢開士發歸半夜落潮隨棹
發十年殘夢逐雲飛相看接手話鄉里獨老忍淚沾裳
衣新春亦有還家願會過石室推烟扉

送麟天岸歸里

河上先皇新作寺山中遊子獨思家孤藤得、千岩日
廣袖翩翩、五色霞耐可題詩留榭葉莫因採藥見桃花
向來也怪諸尊宿長遣神蛇護木衣

寄題餘于西雲樓

古洲琵琶江水瀆藏山闌檻貯西雲歸霞偶作錦繡色

落日或成鸞鵲文宿鶴夜飛天錯莫秋龍涼掛曉網緼
道人心境空無際謾道半間相與分

次韻噩無夢鞭用堂吳中倡和佳什

二客當時共泊舟何人清夜獨垂鈎劉郎爵土方諸將
嚴子生涯老一裘萬里閑河空悵望百年江海儘嬉遊
而今豈但忘机甚也得頭顱似白鷗

寄題張伯壽煮石窩

隱君不愛卞氏璞過客或酬雍伯漿色比天王黃竹賦
食同仙子赤松方晝聲雨襟秋濤急夕氣烟凝曉露涼

此日罷齋清味冷野居長是憶章郎

送張御史赴湖南僉憲

祝融峰高青入天洞庭水闊淨無烟使星夜度五千里
老客夢長三十年一統乾坤分繡斧三苗風俗尚戈鋌
埋輪舊日都門道會見徵還席屢前

次韻具庵送湛淵上人永嘉省師

早年為客曾遊處今日題詩却送僧珠箔濺崖看雪瀑
寶窻緣塔見天燈金仙爛熳開銀界玉女嬋娟倚翠層
禮罷阿師窮勝討諸峰歷々漸攀燈

送繼上人省親

黃萱花開明江上秋黃岩上人歸故州還家即得阿母
喜斷愛更作諸方遊白頭老客念鄉里清淚對人如水
流鴈宕山好會後見龍河水邊須小留

送郭篋勾之西臺

南州待着騎驄馬西土今須聽鳳凰風妥浪花清度月
秋先闌樹早驚霜汾陽宅畔槐應老秦華峰頭藕正香
願得盡分冰雪片沈病天下總令嘗

送谷彥脩御史調西臺

泰華雲開仙掌明
閑門樹冷早霜清
九天丹鳳啣書下
六月青驄擁轡行
南國江山吟總徧
西園人士喜爭迎
鷹鷂鷗鷺高風外
麟趾騶虞美化成

覽勝樓

二水三山帶遠州
五臺雙闕起高秋
齊梁宮苑依城在
江漢波濤入海流
金刹曉開龍虎國
玉笙宵下鳳凰丘
一天灝氣清無際
况及此時長倚樓

挽訢笑隱

親對先皇講法筵
人間獨住十三年
將同鳴鳳瑞下世

恰道飛龍招上天
長立寶階瞻寶樹
亦知金像捧金蓮
梵王此日生歡喜
黑雨翻空浴九泉

冰鬚次揚士禪韻

倚馬寒過塞上城
氣浮豐頰碎崢嶸
高枝帶雪垂松翠
斷縷含霜折藕莖
蕭帝邊唯有白叅軍
幕下程增清
郎官未似馮唐老
還就君王免愛卿

題飛龍亭

昔聞飛龍登紫闕
龍飛上天竟不還
上天下天皆帝所
千古萬古空人間
晴靄城頭樹
春水迢江上山
惟

有神仙自騎鶴玉笙吹度月中閑

錢德謙父母同八十

崑崙度索兩名仙已熟蟠桃幾歲年人世摠誇同八十
渠家祗道數三千錦机紫霧天孫織玉白玄霜月姊傳
却是持將稱壽日秋風桂子集瓊筵

奉簡浙東索士嵩僉憲二首

天上星辰落世間少微婺女故相関覆盆光照家、屋
持節春行處、山部屬頗聞時有早父兄亦道食無艱
大夫自是烏能好客老徒憐鶴未還

少微婺女接高冥長立寒宵望使星支罷問民秋 節
泮宮延士曉談經雲深仙石群、白天外神山箇、青
不獨豺狼走荒絕亦聞蛟蜃落滄溟

近仁臺郎見示樊左司在南臺時憶昨五首柯博
士蘇徵君既為和之天台丁復僑居金陵草莽之
臣也不能悉 奎章故事欽覩 皇潛飛之盛猶
能記之僭用元韻以寓鼎湖之思云爾

猶記飛龍北上時從臣鞏馬鴈差、鳳凰自是巢高閣
螻蟻何因集下墀翠輦看花臨苑、御綵毫檄藻文綴漪

太平不願論封禪自擬元和聖德詩

猶記金陵觀稼遊翠霄深處想瓊樓縱橫未草三千字
縹緲如瞻十二旒程爾丹心馳魏闕依然白髮老滄洲
翠華不復南巡幸歲々空來鴻鴈秋

猶記御床金織幃初成寶刹仿丹墀人間謾道風雲會
天上俄聞日月遲北闕祇今無遺賜南臺憶昔有題詩
舊臣總抱烏號泣豐石還如首峴碑

猶記奎章擁紫微五雲流彩日揚輝已頒玉果開春宴
亦賜金蓮送夜歸俊逸詩篇凌鮑照風流人物動徽

還憐杜牧秋娘賦色線寧堪補舜衣

猶記華亭駕綠渠市人還許與驩虞後來盡備公車選
前識皆知帝者圖相府帶圍從病沈酒家祠部屬狂俞
隣僧有髮惟須醉夜立霜畦望北樞

題鴈圖為李元中賦

萬里蒼茫南國秋黃蘆紫荻野蕭
天涯兄弟將群
樓臺動客愁肅々夜寒霜滿羽駸々年老
頭

目送江花發幾向東風憶故州

送馬彥翬進士赴江西省筦勾二首

紅杏春風天上園看花走馬乍承恩紫微曉日江南省
擊水飛鷗早入垣鏡裏斷峰青兕伏船頭回浪白鯢奔
二孤洲畔多明月却過東溟第一門
行分幙府鳳皇池竊擬瑤階獬豸儀在職况當無事日
讀書應似未官時客荒南國慚丹桂老灌西園長綠葵
賢甚交承王博士滕王閣上酒歡持

檜亭橐

天台丁復仲容甫

近詩 七言絕句

常熟道中

阿郎問人常熟路北風打船寒日昏水樹含霜一箇
野婦抱子自村々
湖水如銀月欲低納糧船發五更鷄當湖小婦怨相
隔壁乳兒寒自啼

傳用可廬墓

黃 嶺頭曾置屋白頭江上不成家明年東去携妻子
掃食松陰十畝花

題茅山彭道士畫梅花仙子

綠燕棲寒夜不飛洞天霜淨月光流輝 彷彿梅邊

起掇青霞染素衣

清溪與平起莘飲述舊有作

溪頭楊柳女兒髮綠光細妥春油 金陵當日一尊酒
何如相見在池州

次韻李方叔

遠樹葉初嵐色淡曲塘 足水痕肥何人春盡不飲酒
野老年饑猶典衣

次韻元宵雨雪

銀燭春光玉雪宵翠簾歌管思寥々羅浮洞裏花如織
誰立寒香背小橋

過江村小景

野蓬忘世寒曾下沙筥牽兒早餉遲有客封侯玉門道
綠閨春恨繞花枝

題疊山卷

江山老骨歸元亮，今古何心兩伯夷。
半夜寒增霜院一編孤憤雪接辭。

題春山曉行

短棹衝煙釣碧沙，疎鐘開曙散羣鴉。
早年曾是匡廬道，下馬春厓問酒家。

夢遊仙

春風帆席蒼鰲近，夜月笙簫紫鳳鳴。
童女三千髮如黛，碧桃花下笑相迎。

馬德昭席上賦

江上重逢鄒大娘，桃花紅嫩染纈裳。
蔓青溪上曾相見，猶記胡麻飯顆香。

次韻江南

斗酒十千即可賒，斜窓籬誰謂一作遮大婦相迎問買。

酒十五小姑方主家。

東山斷雨拂青龍，江飲倒垂千丈虹。
忽地北風狂作惡，水波高湧白銀宮。

長干城南越王臺，長干橋下客船來。
橋邊有人問書信，羅裾小步踏青苔。

和山行兼次韻

山鵲翅翻紅兩、野花香並翠雙、倦行有客春傷酒
笑索無題畫倚窓

因錙思勸過江寄 誠之

澤國無官寄老 淮方有客借寒驢蚤知到死難干祿
何用平生苦讀書

次韻泐上人

蒼蘆花時風雨急 苾蒭叢裏眷令寒丹砂古自有方術
今白日今誰生羽翰

白髮蕭騷日夜生 玄雲消盡雪霜明新栽花木可憐長
舊著衣裳不忍更

賦蕙花為次韻岳上人

香滿松房夜月虛 紫蕤懸露泣方諸湘魂故惱維摩定
起和離騷掃壁書

題錢舜舉畫馬

玉禾久既出天闕 引看時常占舞班四十年來太平日
馬車無數劍中山

二十年前燕市客 黃塵蔽天相逐來中有出頭先一丈

山中彷彿憶龍媒

題李遵道山水

層峰高出雲樹外
飛溜直下天河懸
江南老客腸空斷
舊宅不歸三十年

題雪水茶卷子

驛舍情孤蘭白花
貂冠骨

袖中麻党家婢子
陶家妾

學士方慚雪水茶

偶題

一事不能方近古
六經何用更知新
唐虞時世君臣會

李杜文章宰相嗔

絕句

沙遠晴波淺漾金
魚苗初上小如針
將船載酒江頭飲
水柳千株滿岸陰

自愛江頭著雨蓑
山光倒染鴨頭波
蠻商即似天上下
打鼓向人帆側過

江離初長杜若新
紫蕙紅蘭洲渚春
楚天正遠欲有遺
江上獨行逢故人

柳下杯盤野老過

綠波南浦傷心別

黃犬東門奈爾何

楊柳風輕欲午涼
蘿蕪沙暖足春香
水鄉父老茅堂酒
不信王孫道路長

北闕青雲車馬多
南山白石飯牛歌
霜清水屋釀春酒
雨足野田收晚禾

兩岸東風吹柳花
小江新水帶春霞
長林日出烏自乳
買酒上船人到家

茅屋鷄聲接近隣
短裳巾幘莫歸頻
江鄉禮俗淳風在
煙樹深、數拜人

熟麥收空雲旆、
新秧蒔遍雨沉、
誰言卑賤閑無事
老願太平渾有心

贈唐德輝

翠栢蕭森烏已啼
白門涼月萬村鷄
山中獨識河東鳳
五彩翻、舞影齊

題息齋竹為袁弘甫賦

鳳凰飛去不可還
一竿清意自蕭閑
袁郎門外三尺雪
却為晴光晝啟關

題江鄉秋曉卷為李明遠賦

滿地寒霜水氣昏
亂鴉啼起向前村
沙頭白鷺札還
動未似熟眠
目深閉門

贈武生

六龍浴海吐長霞
飛上遙空作火鴉
十日相看當
行
二更深語坐燈花

題汪伯高梅

兔白寒霜染雪毫
綠煙微散初高野
人醉醒罷羅浮夢
長憶仙娥玉色醪
寒响蕭蕭已滿枝
冷香不放小船移
摠宜酒散笙歌歌

睡徹玉樓人未知

贈劉子靜

括蒼山色翠如蔥
瀑下天門拖玉虹
底事少微星一點
金陵江上受西風

過溧陽錢氏祖墓

汾陽軍中淚如瀉
長陵一杯寧有孫
千章喬木高
起
倚柱東雲斷客魂

次韻西湖竹枝歌

上塘楊柳下塘陰
阿郎愛人不愛金
塘水西流東入海

水深不似阿儂深

柳葉如眉枝似腰贈郎輒挽最長條
長即與儂 遠
不是為儂春態嬌

錢塘潮來兩岸平錢塘潮歸江月明
錢塘女子新 閣
夜半吹簫鳶鳳鳴

郎愛捕魚儂織策勸郎不必要登科
一家賣魚得食少
一官懸魚憂惠多

題楚江清曉圖

海色澄明霞欲生白煙樓閣靜崢嶸
青楓江上船已發

苦竹嶺頭人未行

題山水為劉子益賦

古寺煙雲置碧岩獨僧隨徑入松杉
故鄉忽動金陵客
便欲海門歸掛帆

贈李明遠

金陵龍眠見三李震伯晉仲子才兄弟三人齊名瓊林鷓鴣哦二松杉
登己巳進士第為番陽縣丞名駒墮地亦千里騰鳳冲霄須九重

送渭清遠上人謁虞學士求墓誌

白玉似人蒲室老黃金如價草堂文筆濡華蓋山前月

光動石頭城上雲
九重閭闔向來人
五色芙蓉已後身
一代文章來絕世
十年道德在堅珉
水鳥羣隨南上蓬
江豚自拜北來風
二姑直作片時過
五老祇如前日同
平生太史未相親
祇託新詩附遠人
自是星墟接牛斗
誰教天漢隔參辰
山中氣候冬春近
江上帆樯早晚過
曾草詞章扶日
昔將文字說天台

酒間贈賈西白

思入東風白雨邊
暮雲樹杪兩茫然
不因絳灌輕新進
未必長沙識少年

題唐馬圖

鳳膺龍脊渥洼姿
正是奚官得意時
野老步行身自穩
詔書新下不教騎

題子昂竹石圖為趙叔敬作

大雅堂前第一峰
小雨新濃前年醉
把湖州酒坐對蕭蕭雨下

題壁一山水

老年歸思不堪行

江城

寫綠醅三百棧

恐添白髮數千莖

題美人卷

玉山橫管淚痕光

鳳凰

心情題不得

九疑雲冷隔三湘

題李遵道竹

仙客鯨魚沒海濤
綠梢清夜月還高
或傳騎去招丹鳳
想是歸來掣六鰲

題柯敬仲竹水

青山白日野中看
南國佳人翠袖寒
老樹不堪承雨露
龍孫春滿錦闌干

題危太樸雲林圖

天台萬八千丈
雲林三十六峰
幾載山中獨憶
今朝江上相逢

右檜亭集天台丁先生詩也
先生名復字仲容
壯遊京師公卿薦之
館閣不就而去
放情詩酒
老江湖之上
今所類諸體詩凡百十

分爲九卷合爲一帙前集則其婿饒介之
所錄續集則其門人李謹之所蒐輯也 南臺
監察御史張君惟遠見而愛之惜不大傳于時
移文有司鋟梓集慶學官教授查信卿寔董其
成立惟先生之才足以追配古作而鳴
國家之盛迺弗見諸用以沒觀其命辭託興高
遠開遠復然無塵俗意又非人
能盡識則
是編之行豈不有補於風教乎至正十年冬友
生江夏諭立敬志



全而存抄本檢真集醉歌贈陸華之數章訛必
可讀近從閩中黃氏購得徐興公所藏元刊
本始知抄本所據之本有錯竹之葉傳鈔時
失于校正又改行格遂致訛如此此本爲
李賦太守所藏其誤亦同因爲改正而歸之
元刊本半葉十行二十字缺五葉抄本亦
缺名世河曾切印本矣存齋識





